

~~Geschichte~~

~~II~~

~~II~~

3:00

~~Weg~~
Weg

35
Gründlicher Particular

Von glücklicher Einne-

mung vnd eroberung der gewaltigen Vestung

Kaab / inn Hungern : Welche die Türcken mit
list vnder sich gebracht / Vnd in die vierd-
halb Jahr inn ihrer macht
gehabt haben.

Sampt andern Zeitungen auß Presz-
purg / Gran vnd Constantinopel.



Cum licentia Superiorum.

Gedruckt zu Prag / in der Alten Stadt /
durch Georg Jacob von Datschitz.
Im Jahr: M. D. XCVIII.

Handwritten text in a historical script, likely Gothic or similar, appearing as bleed-through from the reverse side of the page. The text is arranged in several lines and includes a large, faint circular stamp or seal in the center. The ink is very light and difficult to read against the aged paper.



Aus Wien/den letzten

Martij/ Anno 98.



Dr Aecht tagen hab ich dem Herrn geschrieben / verhoff der Herr habß empfangen / vnd was die Siebenbürger für ein Glück wider den Erbfeind gehabt / vernommen. Izt folge ein bessere: Wie dann der Herr hie mit beyleufftig vnd obiter aus dieser Particularitet / von eroberung der Besiung Raab / vernemen wird.

Der anfang hat sich mit sechs Hussarn / so der Türckischen Sprach erfahren gewesen / erhebt / so zur Besiung hinzu geritten / Vnd nach dem sie vermeldt / daß sie von Ofen kommen / Auch einer vnter denselben / daß er ein Braut darinnen hette / solche mit Namen genendt / Auch den Tag ires versprechen: Vnd also mit solchen vnd andern Reden die Wach auffgehalten / biß man die Petars an das Thor angeschraubt / vnd das Volck / so bey sechs Tausend gewesen / sich herzu genahet / Vnd dann solches im ersten anzünden glücklich (Gott lob in Ewigkeit) angangen / das Thor zersprengt worden / vnd die vnsern hinein trungen. Die Türcken hetten die vnsern / vnangesehen / sie nur bloß / vñ zu sagen nackend gewesen / hinaus geschla-

geschlagen/wie sie sie dan biß zum Thor getrieben / wann
nicht der Herr von Schwarzenburg/ vnd Herr Palsfy/
die vnsern mit iren starcken Vermanungen wider zuruck
hinein getrieben/ vnd inen ein Herß gemacht/ Da es dan
also ein glucklichen Ausgang erreicht. Was für ein vn-
ausseglichen Schatz vnd Reichtumb / weil alles vnver-
seht vnd vnverruckt sie bey einander gefunden / kan der
Herr erachten. Darinnen sollen 800. städtliche Ross ge-
wesen sein.

Am nechstverschienen Sonntag/den 29. Martij/drey
Stund vor Tags/ ist die Besung Raab (Gott lob) von
Christen Kitterlich erobert wordē / durch die Instrument
der *Petara*.

Der vnserigen sein in die 700. der mehrerteil durchs
Pulffer/so zweene Janitscharn angezündt / ombkōmen.
Der Türcken sein ober 1300. vff der Walsadt blieben/
vnd in die 300. gefangen worden.

Der Bascha hat sich mit zween Säbeln zur Wehre
gestellt/sich Kitterlich gewehrt/Aber letztlich vom Ob-
risten Babacourt / einem Walonen / so die Zeittungen
hieher bracht/nidergestochen worden.

Ein hundert vnd zwainzig Stück auff Redern sein
gefunden worden.

Der Besung ist durch Brunst / oder sonsten ainiger
schaden nicht geschehen.

Der Herr von Schwarzenburg/ vnd Herr Palsfy/
sein

sein dieser *Impressa* fürgestellte Heupter gewesen: Thuen sich auch jeko allda zu Raab befinden / mit sampt dem Volck / so sie zu dieser verrichtung gebraucht haben: Als nemlich / die fünff Franköschen / vnd fünff Wallonischen Fendlein / so dem Herrn von Schwarzenburg zugehörig / Sampt den Heyducken vnd Hussarn / auch etlichen Granerischen Deutschen Kriegsleuten / so dem Herrn Palffy vntergeben sind.

Herr von Schwarzenburg schreibt aus Raab vnter andern in eil: Wir haben heut ein harte Nuß zubeissen gehabt. Wie dann der Bascha nechst beim Thor / da wir hinein kommen / blieben / die andern Heupter auff den Wehren allenthalben sich befinden.

Zu dieser verrichtung haben sich Herr von Schwarzenburg / vnd Herr Palffy / mit aller befürderung ganz enfferig verhalten. Vnd sonderlich sind zurhümen beide obriste Leutenambt / als der von Babacourt / vnd der von Obernbrugl / sampt iren Hauptleuten vnd Soldaten / die alle Ordnungen wol *observirt* vnd gehalten haben. Gleichfalls hat Herr Palffy ein obristen Leutenambt zu Gran / Orsij Peter genant / vnter jm / der sich mit seinem vntergebnen Hungerischen Fußvolck gar wol erzeigt hat. Es haben sich auch gleicher gestalt in warheit die sieben Wallonischen Compagnia / vnd des von Möll Compagnia / ganz wol vnd Ritterlich erzeigt / die auch viel schaden an iren Reuttern gelitten. Es sein auch viel

A iij der

der Ross blieben / vnd ist fast kein Rittmeister vnd Be-
welchshaber / der nicht zwen oder drey Ross / so vnter jme
geschossen vnd nidergehawet / verlohren / vnd sie selbst ge-
schediget vnd verwundet worden.

Gott der Allmechtig wölle seiner bedrängten Chri-
stienheit ferner gnediglich beystehen / daß sie wider den
Erbfeind den Türcken / glücklichen siegen möge / Amen.

Aus Pressburg / den Ersten
Aprilis.

MEin Posierwaller hat nicht vmb sonst am Mon-
tag hören schiessen / Dann es (Gott dem All-
mechtigen sey Lob vnd Danck gesagt) von den
vnsrigen zu Raab als Freundschaft beschehen. Der
getrewe Gott / so sich augenscheinlich / vnd wider mensch-
lich verhoffen / seiner betragten Christienheit annimpt /
geb ferner Glück / Heyl vnd Segen / daß dadurch die
Halzkarrigen Heyden von jrem verfluchten Alcoran /
zu dem waren Christlichen Glauben bekehrt werden /
Darzu sie dann sonderlich dieses so bald nicht erhörtes
Vnglück / vnd Gottes augenscheinlicher Beystandt be-
wegen solle.

Aus Bran den I. Februarij /
Anno 1598.

Ob

D Wol die Türcken auff den vnterschiedlichen
Grentzen zu mehrmaln fürgenommen/ starck zu-
sammen zuziehen/ vnd gegen vns Einfal zuthun/
So werden sie doch/ so wol als die vnserigen / des gros-
sen Schnees halber bishero verhindert / Wie dann inn
Hungern der zeit ein so tieffer Schnee vorhanden/ der
gleichen kein Mann gedencket.

Die Türcken haben auff den Grentzen viel redens
vnd geschrey von nechstem Sommerkrieg / Vermeinen
vnd sagen/ Es werde gewis starck vnd blutig zugehen/
Vnd sie müssen dis Jar gros Glück haben/ oder gewalt-
tigen Schaden leiden.

Des Türckischen Keyfers gewiser Persönlicher Zu-
zug wird auch noch confirmirt / Vnd halten wir dafür/
er werde nicht aussen bleiben. Sonsten ist bey vns nichts
Newes.

Aus Constantinopel/ den
26. Decemb.

D E R Türckische Keyser lest noch etliche Wochen
lang fürsehung zum Krieg auff das folgende Jar
thun/ vnd hat ein ansehnliche Summa Geldes
zum Krieg verordnet/ Sonderlichen zum einkauffen vñ
Preparation.

der

Der Serdar beschweret sich sehr wegen der hülff/so aus Italia in Hungern kompt/ vnd gibt für/ daß solches die schuld sey / weil kein Armada vorhanden: Begert derwegen/ daß der Keyser mit nechstem zwey Hundert Galleen/ vnd zwey Galleaken/ so sonstien nicht gebreuchlich/ zurichten lasse.

Der jetzige Bezier Bassa/ helt des Keisers Reputation viel mehr/ als der Ibrahim Bassa gethan: Wolte gerne / daß Fried geschlossen würde / Wils aber durch sein Schreiben nicht anfangen/ oder sollicitirn/ Sondern hat den Engelischen Amba/: dahin vermocht/ daß er sichs vnterfangen solle: Welcher dann als bald dem Michael Wenwoda schreiben solle / vnd ihm rathen/ daß er den Tribut schicke: Als dann vermeine er / daß solches ein grosser anfang des Friedens sein möchte / von welcher dann auch mehr hoffnung / zwischen ihrer Key: Mey: vnd dem Türckischen Keyser zu schöpfen sey/ daher dann auch der Engelische Ambassator diese Wochen zu dem Fürsten aus der Wallachen geschickt / ihn dieses vnterrichten lassen/ vnd daß er sein Relation/ durch einē/ den er schicken möchte/ widerumb anzeigen lassen solle.

ENDE.

AB: 155589

ULB Halle

3


001 540 505



sb - 200

K







35

Gründlicher Particular

Son glücklicher Einne-
mung vnd eroberung der gewaltigen Vestung
Kaab / inn Hungern : Welche die Türcken mit
list vnder sich gebracht / Vnd in die vierd
halb Jahr inn ihrer macht
gehabt haben.

Sampt andern Zeitungen auß Presz
purg / Gran vnd Constantinopel.



Cum licentia Superiorum.

Gedruckt zu Prag / in der Alten Stadt /
durch Georg Jacob von Darschitz.
Im Jahr: M. D. XCVIII.

